

SI DIU VOLI

Ci dissi u' patruni a' sò criata
"pi' dumani priparimi frittelli,
ca 'nni vogghju fari na 'ran manciata,
picchè accussì u' cori mi ddisia".
"Sarà 'ccuntintatu certu vussia"
ci rispusi 'a serva rivirenti
"ma sempri s'ava 'a 'ddiri si Diu voli
chi dumani no sapemu si spunta u' sulì".

U' patruni ch'era atiu e frammasuni
no vosi sentiri nudda ragioni
e cu' fari 'ruganti e 'nsulenti
gridavu "fà silenziu e statti muta
povira bizzocca e fimmina stotta
dumani 'nni manciamu i' purpetti".

U' jionnu dopu a' tavula era cunzata chi frittelli
e u' patruni chi u' diu Baccu paria
ca' panza 'i fora e cu' spocchjia
'mpizzavu a' furchetta triumfanti
'ffirranu na frittella ancora fumanti.
"Vidisti, vecchjia 'gnuranti e pitulanti
chi 'nni stamu manciannu i' purpetti?"

Ma u' Signuri no' s'avji 'a tintari, ricuddamunnillu !

U' poviru minchiuni, manciatariu e miscredenti
no eppi u' tempu 'i japriri a' bucca,
a' broccia 'ntè mani ci ristavu
chi na motti subitània su puttavu.
"Santu libiranti, Gesù e Maria"
gridavu comu na pàccia a' criata,
scunvolta, 'ttruta e tutta scantata,
e facennusi u' Signu da' Cruci,
ripitjia "Santu Diu Sacramintatu",
e no potti cchjiù parrari, ca piddivu a' vuci.